

'ի վերայ գլխաւորաց և բնակչոց գիւղին 'ի Կառավարութեան և կամ յԱրարացոց, մի արկեցեն զայն 'ի վերայ վանորէից, և մի սասանցեն թէ դուք վկայեցիք և առիթ եղէք սորա աքսորանաց. ուստի պարտիք վճարել զտուգանսն :

6°. Մի՛ ոք 'ի գիւղականաց համարձակեցի տակ եւ պարծիլ այսր և անգր. թէ ունիմք մեք սահմանեալ հասս 'ի վանորէից, 'ի միարանաց և յուխտաւորաց. և մի ոք յանգըգնեցի հակառակիլ վասն այսր, կուուիլ ընդ միարանս ընդ ուխտաւորս, և հայհոյել նոցա. և կամ քակել զորմս վանորէից և պարտիղաց նոցին, և զորմս ակոռոյն Հայոց. և եթէ համարձակեցի ոք, տուժեացէ երաշխաւորն 200 գահեկան :

7°. Ի ճանապարհի չպահանջել յուխտաւորաց զգրամն Ղաֆար անուանեալ. չգալ 'ի գիշերի 'ի գրունս վանորէից և բաղխել զնոսա, պահանջելով զկերակուրս և զայլ իրս. և յոչ բանալ նոցին քարձիգ լինել 'ի ներքս, և այլ սոցին նման անկարգութիւնք, զորս սովոր էին առնելս Չայսոսիկ 7 գլուխս պայմանս յանձն առին գլխաւոր Շէյխք Բեթղէհէմի, զորս առաջի եգին փոխանորդք երկց ազգաց և խոստացան զամենայնն անթերի կատարել սակս խաղաղութեան վանականաց, ուխտաւորաց և ամենայն ժողովրդոց, եւ ապա չոքան 'ի դատարան եւ օրինօք Շէրիփ հաստատեցին զայն 7 գլուխս պայմանաց, զորս եգին. և գրեցաւ մուրհակ 'ի վերայ գլխաւորաց գիւղին, 1134 (1720) :

Յետ այնորիկ էաւ հրաման Հաննա վարդապետ 'ի Կուսակալն Դամասկոսի, եւ նորոգեաց զպարիսպ Ս. Փրկչի վանաց, և ետ դնել 'ի տեղի իւրեանց զանկեալ քարինս : Նորոգեաց և զմեծ կամարն արեւմտեան, որ 'ի վերայ արտաքին մեծի դրան վանաց Ս. Յակոբայ, եւ զբովանդակ որմն : Նոյնպէս և զանջրպետ որմն 'ի մէջ վանաց Հայոց և Յունաց, որ 'ի Բեթղէհէմ. զի հնացեալ և խախտեալ էր, և կասկած երկիւղի գողոց և աւաղակաց. և ըստ հրամանի Բեղչիսին առաւել ամրութեամբ շինեալ բարձրացոյց նաեւ զորմն պարտիղին, եղեալ 'ի նմա դուռն, և զայլ կարեւոր տեղիս վանաց. (1721) :